



尤菴集

賦 詩
五言古詩
七言古詩
五言絕句
七言絕句

共六十

~16
2410
2



和
2410
60-2

尤菴先生文集卷一

賦詩

次感春賦

悲天下之頽洞寥誰與而易之抱遺經而潛藏俟河
清乎其末期痛放勛之殞落慶同冒之受替祗虞旌
於諒陰冀一罄乎素志敷麟經之大義發長歎於王
春方荃心之感慨泰忽愕其匪人進不及而罹尤退
將服修乎古訓念道體之峻極疇可量以尺寸尋龜
蒙之遺響賡陋巷之孤琴時藹藹其迴春諒有感於
余心撫淑景之氤氳倚脩篁之悄悄仰宇宙而長吟
或羲農之夢見顧年歲之遲暮歎崦嵫之藏光願美

人之撫壯佩江南之明璫已焉哉吾誰與歸惟晦翁
其不敢忘潭溪清兮武夷深源其樂兮將何極鴻慶
淚兮老栢吟想當時兮心獨傷

五言古詩

謝東權思誠

常思豈弟人順時受五福欲往從之遊路遠不可得
只抱離索憂誰我掖且誘長居物欲場愧我高明友
忽逢白眉來喜失飢餓迫又奉有韻書昏塞爲間隙
忠信篤敬訓豈不存諸思奈此褊駁性又多怒與喜
操心頃刻間忽然隨手散歲月倏已晚徒切窮廬歎
吁嗟命道窮復遭此亂時山林亦非靜遑遑何所之

欲效屈原遊懷土去未能欲從魯齋仕無才任難勝
司馬恃學力不要盜鄉違願奉吾老兄此人與同歸
自餘心中事留以待後會孟夏月將晦江上東向拜

司馬將歸或止之日鄉里多盜將奈何曰平生讀書
欲何用言有死而已前月爲省姊病歷謁清陰臨別
以此贈之矣

次朴和叔 世采 寄示韻

洛山有枯松坡山有幽草不得好託根千載永相好
徘徊歲云暮空令鷓鴣早枯不願春華幽不願周道
沉吟騁孤眺澗古蒼苔老

其二

離騷稱物芳終亦耻蘭草始也耀猗猗今無馨德好

物性有如此人亦異晚早可惜穎陰人終愧伊川道
紛紛古今事請質滄洲老

洪元九

錫箕

令公比住後雲亭累次見訪輒以

詩什隨之昨者復以四十四韻寄示諷誦再三
不覺沉痾去體遂與小孫疇錫聯句以次奉謝

前後鄭重之意

夫公起南服厚地出豫章弱齡思卽壯吐辭逼長楊
獨步數十年餘子皆望洋紛紛伎倆輩魚頡與鳥頑
試席坐傲兀觀者如堵墻一蹴據龍首快剽如干將
榮歸拜高堂光耀溢舊鄉儕流喘吹筒先輩敬折行
笏冠入薇垣時望出尋常幾伏史丹蒲累具郇謨筐

衆賢陳謨遠 聖主撫運昌豈無願忠志升沉有上
蒼低徊歷郡邑援引阻廟廊惜哉賈生才宣室無復
望惟有耽詩癖所作輒成囊豈天困其身大雅賴不
亡行將薦郊廟聲律軼盛唐昨來諫諍臣旌節鎮南
方盛陳壽母筵爲 國助和祥公爲賦其事文字爭
星芒彈章忽交加盛事還無光時論漸崢嶸忽如搏
豺狼蒼黃指故山芋栗有餘糧自笑詩媒禍寧憂逕
就荒合浦還明珠素關脫孟嘗我時攜琴書卜築於
華陽清詩不懲前頰投賁草堂迢遞玉山桂谷草盡
含香久厭百鳥喧忽如覩孤凰但恠勸我仕胡不聞
楚狂是欲策老馬長途任顛僵顧我無所有但有一

墨庄其中周孔道炳炳而琅琅濂伊與關閩垂訓又
輝煌只願作蠹魚咀嚼終無忘日者性事發欺誣幸
無傷繁華苗枯萋 聖德齊玄黃大臣斟元氣如斗
柄低昂感 恩涕空流無路補舜裳歲暮疾風多天
地色蒼茫端居百感集中夕徒激揚最恨未禱蟻永
念我 寧王志業方恢張如何遽收藏北望 蒼梧
雲血泣長廷翔

次洪元九寄疇孫二十韻

文章老手乃與少輩鬪靡是楚伯王與樓煩
爭衡也其徃復篇中頗有令人涕淚者聊用
其韻以自叙悲而用冀郢正之加焉

維昔我 寧王重華述而祖又將宣大武中土成邦
賦胡不舜年半雨泣瀟湘浦雖其勲未集百世風聲
樹憲章既昭陳不宜新代故 威靈在天上猶疑赫
一怒上帝置左右不復爲民主昏墊遂至今下民焉
所傳帝居何崇絕躑躅無由訴 寧王哀愍之時降
好風雨田原禾黍長溝澮可沿泝縱有衰惡年黎庶
恃無懼嗟余未死臣血淚流入土 遺弓常在抱無
路丹衷露彼哉新貴人志氣橫天宇芝蘭謂不芳素
烏黔振鷺傳聞會稽公杖鉞東南路本朝絕壺漿不
與共吞吐海外老元城樓下吟晦父賡詞還自讀徘徊
徧歲將暮

登鐵嶺吟 乙卯

行登鐵嶺顛我心還如鐵縱之器之誠却耐西山血
回首望西方陰雲壅不決願言西方人丹霞佩明月
患難相從聖人亦不能忘况此死生在前之時艱關
歎涉千里外相從者或諸君各步郵韻言在紙上而
家弟小孫之作亦在其間他日撫攬亦必有感於斯
時矣然勿以示人恐作陳少陽也乙卯春日累人書

和金仲和 昌協韻

蚊蚋百千鬪我有口何言向來新貴人氣勢正桓桓
爭誦康衢謠不知竈突然無鬚兒衆多其禍日稽天
嘿嘿念憂端可齊終南顛惟彼紙鼻公祖磁在其前
釀成乙巳禍這教未能諼試睭狗之門鞍馬如浮雲

盜襲士華謀人皆見肺肝利牙刀鉅陳信然怖殺人
一飯與睚眦汲汲要及時忠賢白日臥涕淚流無辭
赤鳥困橫逆欲去還遲遲未見白駒維空聞胡馬嘶
九關虎豹守無路 聖明知歲轉佞誣朱勢成羸喝
梁良生有何辜天意不可詳何故生此輩項與背相
望花靦細氈間簇立如堵墻願天誘其衷保我東魯
疆

尹子上 搏挽

生世見今人閱書知古昔歷數古今人如君何處得
溫然且不駁美質如金玉至行見家庭善喪尤無匹
重憂涉四年血泣如一日就我三十年曾未見瑕謫

今聞去九原我淚濕胸臆誰能記事實我死如紙隔
用諸老先生所次紫極宮韻謹呈籠水亭主人
晦翁與陳同甫書曰抱膝吟久做不成蓋不
合先寄陳葉二詩田地都被占却教人無下
手處也夫以晦翁之海濶天高被二詩先占
猶尚如此况以十三篇見示以此伎倆寧有
下手處也然屢勤徵督不敢終孤故敢此寫
呈第有所告此詩自青蓮以下皆作於四十
九而延之乃見徵於已過二十年者何也既
徵於已過者則宜徵於不及者未可以長公
之嚴屬之於文谷父子畢以見示耶至懇至

懇小孫以不及廿三歲者前日率爾塵浼而

甚有愧色矣○

又一本曰余年卅九時嘗欲

云韓文公脚下語為難又朱先生嘗言今
人開口便說李杜何嘗夢見他脚板耶况余
之醜陋尤其敢下筆耶今者猥被延之徵督
不已不敢終辭而以為已過卅九者追後為
之則其不及者如文谷二世亦當為之遂
冒拙錄呈而仍以請於文谷座下云爾

千古一源妙難形帛與竹謂無復何存謂有寧可掬
要當存省兼戒懼而謹獨然後卓然見古聖如隔宿
聖門教多術隨材警顛卜惟其傳授法莫如顏克復
嗟余老無成一簣平地覆雖然斃後已不要稊稗熟

其二

憶昔禁直日獨倚宮墻竹 儲君授 天札跪受盈

兩掬不敢向人道暗誦於幽獨晝日懷着胸夜則抱
而宿誓心負斯誥有如未之卜陰陽無停機會待七
日復至今十七年萬事成水覆徒看新貴人枕人睡
正熟

步金生幹所次鐵嶺作

早守遜翁說肝石而心鐵分明簡編裏一一如掌血
鼓淫起處起世道多崩缺雖然千載心寒水照秋月

其二

我友清風子學賤功利鐵方在少壯年不使於氣血
金玉聲且振德全期無缺思之不可見清宵共明月

其三

十暈最怕怕涿鹿戰額鐵太陽刺見夷野塗玄黃血
我願 聖上德咸以正罔缺妖祲與大霧不敢欺日
月

次尹子仁拯靈芝三章

并序

丙辰

子仁不顧物色千里見訪已甚感戢而又投
以靈芝三章韻以寓規戒之意於此尤見勤
厚謹此和步僭缺 朱先生慶元以後義未知
和叔聞之更不以魯男子相誚否也子仁三
章各是一事故亦各以一事奉稟而其第二
章末句似涉迫切此亦氣質難化處也然朱
先生極以占便宜爲學者大病妄謂子仁有

些帶陪意思

如任親權科雖小亦不可放過

故不敢有隱或

比他山之石則或不能無補於盛德也

念昔挾書初賢聖以為期及此荒耄日悔失少壯時
伏茲待刑地純愚猶自持渾然固難望壁立慕曾思

朱子以弘毅臨大節標使何敢友等語為二夫子壁立處

其二

鄒書聖徒云蓋與眾人期亂賊即當討奚須司寇時
大哉閩夫子此議尤堅持君勿占便宜孟朱要當思

其三

始與帶方人古道與相期豈料梟獍心已在勝冠時
昏迷固吾罪世道誰扶持恨我二三子羸孚皆莫思

次谷雲金延之

壽增所用晦翁臥龍菴韻

武侯在南陽所事惟耕鑿慇懃魚水契遽見將星落
廬山有奇勝晦父尋幽壑循名架小菴渺茫已非昨
我友陳編上朗吟當年作徘徊撫遺事謂言海可酌
况茲羯奴時我生非所樂清高揭新居意氣橫沙漠

次谷雲金延之退憂金起之

壽興文谷金久之

壽恒所用南礪韻

君家伯仲季皆逮文正時前衿又後裾和樂吹參差
賦性各聰明學業師不疲長大絕瑕類瑩璧沉寒漪
出當世道重爛若日星垂俄然事大謬不與他人宜
伯仲習坎亨季也歲寒知相將光祖烈邈與古人期

次朴和叔所寄十二篇

伏承佳什十二章實用山谷詩分韻矣然若無晦父泣鬼神之語何用拳拳於此率意奉和以求斤正其中極有與天際輕陰異者蓋其氣質終有難變者而然伏望並示矯揉之方如何

玄渾與黃矩外內自相依陰陽相往來合同無謂譏衆萬各有止何必千里畿六籍著明法賢愚自從違萬理具此身淵冰要全歸

其二

陽儀何一直陰儀孰分開自然單而拆不待人剪裁

單爲善之根拆是慝之胎聖人秉元化彼抑此焉培如何化兒劇大往小必來

其三

古聖垂明訓丁寧如耳提戒懼存天理不容人欲迷苟能事斯語聖敬可日躋此學繼者誰聞洛汭關西誰能撼大樹哀彼蟬蛸兮

其四

精一傳心妙遠自唐虞朝明誠及仁義思孟說更饒周程寔持循羹墻每見堯終不創新竒古道益以昭不如楊江詩去遙獨用道

其五

葱嶺鬱嵯峨中華萬里遼鍾生荒唐人別揭一高標
漂流千百載其說蔓且饒象山如肯歸晦父豈終招
遮養過關津去道日益遙

其六

晦父踵尼父繼開功相齊萬理呈露皆無復隱端倪
如何草廬輩欲架虛空梯有同上蔡客雜燒愚黔鷲
中州一統分疊疊歸江西

其七

陽川鑿善流氣勢終難降帶方助桀虐天倫相擊撞
戾氣終有鍾臯獍生其腔朋姦濟其世蔑貞凶于邦
其禍已滔天浩浩吞濤江

其八

在別集

其九

聖考己亥夏深墨殷宗諒賴有甘盤舊初服事皆當
鹽梅契深密孰窺天地量何意旁觀者禍端潛培養
深濟及重泉貝錦太翻浪

其十

珍重潘南子端居歲月多幽尋洙泗響幾賡龍門歌
每謂晦父後萬理一無差方將竭淵才人謂學術訛
鷓雛本不鼠鴟嚇欲攘何

其十一

不遠嶺之北寧憚海之濱所歎少不力老去初志墮

幸此牙遇期不管蔡傾睢簡編專心力言行闕殆疑
遽寡與武戒俱是耄期時

其十二

禮樂誰制作詩書孰經營淵騫戶何閉禹稷冠何纓
聖道雖百慮要皆率天明彼哉索隱徒出言鬼神驚
惟茲爲己功篤恭天下平

和朴上舍士述

光後

所次翼陽使君韻以謝偃

室澹臺鄭重之意

翼陽光州別號時
李公敏叙爲牧使

昔我紫陽翁身居大隱屏道全集大成乾坤涵八溟
顛躓慶元間寂寞歸順寧二千徒弟泣天不傾耳聽
而我抱遺編問思兩無停雖朱一斑窺如飢憶楚萍

珎重光山伯早自立門庭還將壁立志抵死未凋零
更闡白鹿規章甫儼橫經異世諒同符不覺已千齡
生徒皆俊彥初不煩教刑逢君徵所得豁若陞青冥
歸哉共遐尋聖門元不扃

申侍直

碩亨挽

不爲人所憐宜爲鬼所憐鬼亦不之憐終然天其年
壯志埋千古高才闕九泉淒涼懷古淚洒向嶺雲邊
戊午十月送疇孫歸懷德旣歸以沿道作百六
韻見寄聊步還示之

我送疇錫歸冬十月初六至畿還入戶况坐槐安國
靜念幽明理孰是吾真宅獨有深所歎匪爲來楚澤

少小望孔墻冀升堂入室屈首受經訓絕意事干謁
守簞食瓢飲唾奴顏婢膝自謂此身微雖兩儀一物
能與天地參諒在勉吾學日取周孔書仰思而俯讀
豈願穉穉熟自喜此嘉穀最於利義交分別如縷刻
就中張訂頑與周翁太極其事著日用其理本亭毒
體用元浩浩孰云由外鑠期將此眼藏不敢偷始卒
只是鈍根質憤悻心內熱晚晚年歲逝求師詎敢忽
遂就溪上宅尊信誠如血先生謂可教日夕置坐側
自慶得依歸庶以開蒙塞斯文天欲喪加麻哭窀穸
不得塲築室忸怩愧古昔恤恤若窮人誰復我教育
粵惟文敬公繼臨舊文席啓佑後之人咸以正無缺

誠明與敬義死法還甚活規繩看益親不翅芻豢悅
而亦妄自大汎濫屈莊列久久覺偏側正中異嵩洛
發憤亟刊落專尋聖轍迹只將四子書兀兀窮晨夕
無味求有味編繩斷復續婢妾詩相眷歡顏在空谷
菜根不知辛見者謂狂易因成助長病不悟其偏迫
或謂仁煦煦或謂義子子或絕人如熱或就人如渴
褊心雖自咎治病無真訣蓋少持敬功喜怒尤易發
非不讀中庸未辨強南北又况塲屋心是在尋直尺
朋來既有咎出入寧無疾深惟理欲爭似龍戰十月
亟思七日復春嘘而物茁維時仲氏兄面有惻愴色
謂余汝來前欲語還掩抑乃言曰余弟爾無終沾激

親年今益高生理日以棘吾儕丁不吊早歲深罪逆
嫠孤血相視呼天常躑躅我罪問伊何白日臨徒赫
蔬糲或不繼相看面生黑何以慰慈顏我心如焚灼
爾何徒尚志罔聞風樹曲含淚受茲言滯固暫冰釋
遂復尋舉業冀幸朱衣覲稍稍耐塵垢勉勉辭寂寞
一舉冠多士詎無人惡斲又得道東名蹤跡尤扞捏
因仍沾秩祿皇愧難究悉顧惟西日迫譏議吾追恤
駸駸學日荒憂心常汨汨回顧少壯心慙愧潛龍確
天地俄翻覆感感安所適深山與長谷靜便惟所擇
占得武人貞故人告我易己丑夏之仲九五 聖人
作萬物雖共覩六藏是所蓄偶值二老歸欲觀君民

法不才辱茅茹時亦叨晉接讒言挑外患衅孽忽充
塞歸來翳蓬葦魂驚意思惡 聖上復密諭仁者古
無敵所恃人謀臧寧懼天禍酷遂膺 明旨起自歎
才力弱謂備河陽炊猶可效忠益 聖心真日月上
天完兩目天意竟莫回 聖壽才不惑荏苒二十年
神理難窮曠不待灤水齧再起 寧陵役 顯宗又
禮陟恤宅英睿質新貴競扶珪舊鬼亦盛秩日旁雲
氣起奮發章蔡 缺孤臣投嶺北滄溟深不測世人爭
欲殺誰肯減而未 聖批又嚴重心腐齒亦切遂移
炎瘴地榕棘長鬢邑安土是所學何曾懷鬱悒况此
晦翁書聖統之所託彼妖妄索瘢常爲我心惻而彼

勢滔天禹孟亦難克我取大全集魚魯要整飭看來
又看去理趣仍反覆時當會心處不覺懶衷激亦多
疑晦處淫思仍怵惕幸而疇有學牖我諒非一磋切
真樂事對床常得得孜孜不知倦顧歎年不足老我
已無及勉爾戒前覆北風動歸思別意殊忽忽緬懷
行路難我心難如鐵惟其惟疾憂不虞莖豆辱所患
病因循臨行戒墜失忽投大篇來慰我勞心積數敵
江左椽理喜勝丘索

次疇孫上山房時道中韻

巧靈何輟輻窮鬼何若歛點檢人間事無得亦無失
窺觀周太極沉潛張理窟况復程朱書聖訓極揮發

漆園雖復生亦且屈其膝而苟與揚輩汗流顛且蹶
惟我長夢寐濂伊洳閩越游泳復沿溯不覺港之絕
世人誰不識任其嗔且喝伊汝頗喜書吾意庶能述
韓公符讀書鄙卑何須說勉求古聖心刮日期歸日

畏齋

李公端夏號

示余以洪虛白應製喜雨詩前月

溯江至樓巖得早餘雨謹次其韻以報畏齋

聖上悶雲漢至誠上格天天將下甘淫火雲黑如烟
須臾滂沛遍百穀蒙哀憐 聖心合天心感通無傍
邊愁人喜欲狂病者忘其癩鷺浴盤渦渚人謳白水
田老夫願舍哺長時祝堯年

乙丑三月之暮余送疇孫西上心不自聊遂攜

小壺往拜門長于宋村老少頗集環坐談話日
斜而歸敢次晦翁三月晦與諸兄真率之韻求
和于諸宗

今朝積雨霽嘉木已繁陰惘惘別兒恨悠悠憂世心
眷焉宗黨好翻憶竹花深泥路攜殘酒高堂展皺襟
衰翁多苦語諸少吐英音最喜薇垣長歸來臥碧岑
遊鳳樓寺以綠溪路轉深幽興何時已分韻得

已字

崇禎乙丑歲仲夏旬三四宗長桂潭翁約束期鳳寺
諸宗並轡出行行行且止同來十餘人異姓唯有二
踰山入深谷清澗鳴不已沉吟謫仙句亂以會桃李

衲衣八九輩迎入巖巒邃升堂坐蒲團晤語雜嘲戲
白日照林樾颺颺皆走避哦詩響崖壁劃然清風起
維時諫議公抗疏忤時議阿疇辭翰林方被 上嚴
旨還從物外遊暫忘憂世志青山欲送罵幽鳥嘲失
意俄然進蔬糲燈暈掛窗紙良話到夜深眷眷奉先
祀旣歎門風衰繼以出處義忽憶紫陽翁探籌記勝
事借問誰主盟潘南新進士出令如軍令老夫恟而
躡蒼黃赴期會不敢間突騎雖然可無患坐有什方
齒

自警吟 丙寅

我年今八十追憶平生事尤悔如山積一筆難可記

事親任所見多不承其志從兄蔽於私強剛喜自遂
居室昧謹獨無非屋漏愧交友鮮忠厚不能庇其累
况於君臣際敢曰近於義書所謂五典損壞如蠹繩
亟當正於人正人安敢企妄以世道責自任於一己
一車薪火熾詎容一杯水適足爲焦爛譏謂四外至
凡茲莫可追一心徒惴惴緬思衛武睿九十猶賦懿
又思大英雄初由戰兢致細行若不謹終爲大德累
外面麤豪氣何可一點使朝乾夕亦惕動息必有事
兩進是明誠借立惟敬義謹當書左右顛沛泊造次

宋君興吉蒼翠堂

小閣臨新池松風分外清時當孟夏日山花謝繁英

疇也謝官歸不與世人并吾宗注山君疎雅絕塵情
移得白蓮根玉井好緣成只懼煩歎至蒼蠅聚營營

次文谷和陶四章

四言

丙辰

聖遠經殘孰沾教雨微音妙旨邈焉貽阻恨我悞慢
壯歲不撫懷茲三益日夕瞻竚

其二

春日晦光雲霧冥濛恒雨無止平陸成江隄焉懷人
徙倚西窻道之云遠欲徃奚從

其三

人亦有言爲仁則榮嗟今之人胡鑿其情謂我苗頑
自擬禹征曷不式夷以惠民生

其四

東人有衮爰歌伐柯妖氛為戟欺彼羲和瞻仰昊天

崩心孔多几几赤烏其憂如何時人以此漢及二

而尹鑄論此漢之罪曰昏迷不恭是此

七言古詩

鄭晚昌 普衍挽庚子

與君相識板橋庵一見便許為奇男爽似清水添煩
襟爛如明鏡開塵函志遠何愁千里道力强可負百
斤擔共喜同升夫子堂擬學翱翔作兩驂邈來人事
苦分張夢想長在黃池南黃池乃在太白山中有名
區似商顏靈芝藥苗可療飢白雲青鶴非人間疑之

父子自知音拂袖風塵歸閉關有時去來說幽趣恨
莫邀我同躋攀我亦膏肓在水石幾回南望羨鳥還
今年蘇堤邂逅見握手驚非舊顏面自言方為二豎
困脚不能步聲已顫又言病後廢讀書胸懷鬱鬱無
由遣我言無妄不須憂兩眼猶如巖下電且可安靜
養心神未晚工夫在黃卷淒然分手碧溪渙立撫孤
松望行李別來三月消息稀命雖難知理可恃昨日
茅齋獨看書忽有人言君不起長吁不覺掩卷號晚
昌晚昌胡至此寧馨美質自難得天既生之何遽死
大道已隱淳風微荆棘易茂蘭易萎徘徊歲暮奈爾
何不耐浪浪沾我衣斯文偏切喪予慟若翁莫慰無

窮悲最憐遺孩未學語鄭氏一塊惟此兒還將迺也
託河南向道深誠死未衰丁寧亦荷不鄙意堪愧愚
庸誤君知故山松月待人歸嶺上秋風丹旆飛向來
瓠繫病爲隣巨卿素車嗟已違長歌一曲送君行好
御浩氣極兩儀他年倘尋埋玉地桂酒椒漿一酌之

次高侍郎封丘韻寄宜春使君尹魯直

舜舉

宜春花竹秀而野中有白頭吏隱者簿領時用豸繫
文貢賦且從梁楊下是亦爲政奚其爲武城絃歌從
可期世人不識但相笑獨抱瑤琴空自悲也知單父
真君子假如魯無焉取此坡山隱隱連武夷八松亭
亭映潭水勸君且莫歎丞哉百里淳風竟挽回不然

林江已有反招吟莫待田園將蕪早歸來

效韋蘇州體寄舟村申曼倩

曼

公門徵租只空篔僮僕宛轉鞭扑間今年力穡禾黍
熟先期輸盡官好顏溪東老夫閑無事賀詩欲作詞
句艱

神勒寺次畏齋李季周韻

癸丑

神勒之寺經幾秋我來登臨愛清幽龍門居士勤來
訪對床看書九日留 蒼梧十里馨鼓動 丹闕五
雲孤臣愁聊因居士謝僧韻強吟惡詩煩爲酬

示兒孫

丁巳

我今行年七十一久矣爲人之祖父教之以身我未

能讀書修行都在汝輿遷作聖由母三帝憂近獸命
契五而子爲賢付於天戲劇堯夫亦一偶汝父常言
教無與無乃有激云然否

漫吟

海上有山何崔嵬好峰如畫真蓬萊中間片土容店
舍泉清竹脩無塵埃時人之意一何勤協謀處我如
風雷日長無人可看書倦來繞堦閑徘徊

道源

宋尚書
奎濂字

原籌外又步鄙韻真所謂都占田

地復賦七言以謝之

息藏峰巒碧崿嶢海中三山可與四僧徒來卜此隩
區新剏樓臺各鳳寺時維五月月將半黃鳥綿蠻岑

鬱止山間幽事動高興我宗豪英非一二蒼顏白髮
桂潭翁少日風流今未已號召宗盟並轡出文彩何
如百笏李洞門深深寺門高山氣清明禪意遠世間
何地不局束幸逢今日恣遊戲箇中諫議如玉人一
頭之地人爭避利名纏身如脫屣耳尖颯颯清飈起
日者淫辭起處起玉流流出承三議此議凋殘異議
橫卷懷難忘宣尼旨歸來故丘僮僕迎不負平生溝
壑志雙清堂上親舊集花木爭榮助歡意云云諧笑
繼篇什燦燦珠璣盈累紙因言後來長若此此堂光
華期百祀靈芝醴泉豈無本仰溯當年基節義名公
賢士項背屬偉哉乙巳年中事直榦松潭風彩美

仁孝褒我 西宮士嗟君獨能繼前武更看琦也無
顛躓兩世相承直為壯不怕曹家虎豹騎我出斯言
山乞盟留與後來警稚齒

尤菴先生文集卷一

尤菴先生文集卷二

詩 五言絕句

朴生 世振 母尹氏挽 庚寅

孺人有士行曾因教子知女史今誰作空成薤露詞

次贈俞武仲 啓 謫行兼示公山使君李靜叔 淵泰

十月春陵道誰憐蔡子行寒泉失相送真愧贈驢情

西山徒步赴謫臨川曾景建贈之以驢聞
公山以馬驢行故及之寒泉用晦翁事

次贈某人 壬辰

山中忽相逢蕙佩涼風起臨別寂無言殷勤歲寒思

松崖 金公慶餘號 葬後歸路作 癸巳

日落西江上山陽笛裏秋孤墳看漸遠不忍放歸舟

趙懷德 爾翻挽 庚子

惠政春如煦清標雪欲爭如何棄我去還載柳車行
次舟村申曼倩詠楓韻

遙知二三子讀書坐溪濱時栽石罅樹生意暗中新

送酒季弟秀甫 癸卯

遙知洛城雪飢鼠齧空罽聊將一尊酒寄向臥袁安

和美村 尹吉甫號 次重峰上栗谷韻

末路調人意難於五音調當時栗老恨千載亦難消

枕流亭咏懷 丙午

小亭寄林末前溪日夕鳴我來讀經史南耗不須驚

時有嶺人柳世哲上疏論禮之事

趙滄江 凍挽 戊申

數日蟬聲語書之寄丈人文人今不在此意竟誰陳

李子重 屋挽

夫人不可見松竹對草堂去歲生還意終不見君

王

申曼倩挽 巳酉

我死人誰哭君今先我歸秋山寥落處獨立涕空揮

贈李彝仲 敏叙 學士

學士飄然至松門笑相迎却怕蘇仙白無言聽水聲

安國洞尹體元宅賞梅竹二盆追寄三絕

戊申冬余寓漢師之昭格洞與故友尹剛伯

家相近剛伯祖考龍陽公效節於壬辰之亂
其二兄信伯成伯丙子之變相繼取義以扶
綱常噫其盛矣剛伯昔嘗南遊與余甚相款
今其孤以健以性甫同居奉親以孝友聞余
以其世德家行之懿親愛日深一日乘夕步
往其家則其書室置小桺藏梅竹各一朶梅
香竹翠甚相宜也尹生請賦詩爲吟三絕追
寫以寄之以求辱和焉 崇禎屠維作噩逼
除華陽病夫書

其二

誰報江南信疎英妬雪開不應春色早疑自笛中來

其三

孤篠自凌雪無關煖室功君家孫與祖勁節將無同

梅竹正相映主人昆仲似徵詩着語難句在無言裏
華陽洞巖上精舍吟

其二

一峰雲外起微茫有無間雪後分明見孤高不可攀

溪邊石崖闢作室於其間靜坐尋經訓分寸欲躋攀
錦壁亭與方伯李仲羽翻同泛前江醉次其韻
世路今如許青山恨不高細傾憂 國酒爭似醉村

醪

書贈無量村人

無量在華陽洞中

尤菴先生集卷二

詩

三

流水桃花在桑麻雨露多俗傳無量號知是武陵訛
次風月亭韻

風清月亦清月白風不白二者同不同請問亭裏客
次閑靜堂韻

坐見白雲閑俯看清波靜名堂又求詩主翁無閑靜
次草廬李泰之惟泰韻壬子

沮溺不告津惟其耕屬己由也不嗔渠令人胡多事
略反前書之戒語蓋
數薄俗之多口也

申伯久永植送梅一樹詩以謝之

壽樂堂前樹移來白石灘山中冰雪早清影不勝寒
贈別金延之赴成川癸丑

故人巫山去非關夢雨雲石室孤松在無令久待君
寧陵遷奉時將赴 召命歷辭春兄几筵至新
灘江上留別道源學士諸公

落日衰年別蒼梧葬 聖愁春堂一掬淚更洒大江
秋

過李原州聖淵墳菴

澗咽吞新恨鶯啼喚暮愁九原人不起空作過西州
神勒寺次贈韓子剛如玉

古寺涼風至 喬山落日愁相逢還有感非但爲悲
秋

移栽洪元九菊叢甲寅

故人東籬菊移來倚石墻
待村醪熟秋英泛滿觴
次李同甫 喜朝韻

世路嗟無盡年華故不留
坐看今古事多少壑藏舟
次疇孫韻 乙卯

遜翁有善謔仙聖亦三災
况余塵土者齏粉亦宜哉
自鎮川赴德源謫所利川
逆旅贈別李季周

不下鄒君淚還深杞國憂
關山千里外羈思正悠悠
贈別李聖彌 碩堅 諸人

珍重二三子相隨至德源
今朝還送別千里莫招魂
德源謫舍感吟

蔀屋長深坐今春未見花
空聞鶻夜哭不得夢還家

贈別朴大叔 鐔

久翁詩禮子秋月渡江來
共說陳編去心源定不灰

其二

節序羣陽剝逢君說古經
箇中輪翼意却怕一邊輕

元進士次山贈菊詩以謝之

韓子潮州日相人者劉宜持
贈一叢菊元君今效之
其二

微臣論禮妄流竄固其宜
庭裁相者菊愧非韓退之

同春兄遷葬日書懷寄示子靜 宋奎 重卿 李相

季興 宋奎 諸君求和 丙辰

夫子九原作千人與之歸
還向九原葬攀號各沾衣

其二

燕客來觀日湘潭人未歸空將河海淚重濕芰荷衣

漫吟

雪遇泥還染松迎霜益青人情有兩樣茲事孰稱停

立春吟

老夫不廢書諸少勤於學雖則瘴烟侵吾心猶可樂

送晦孫

幾度送歸客送爾愁更多從今柁棘裏孤坐意如何

贈別趙生義耘

朔風吹雪急之子遠來尋沉吟還別去相贈歲寒心

贈別李履卿

禪

黑雲凝欲滴江湖霜雪多故人來又去弊袍寒如何

贈別洪輔而

可相

寒雲埋日色迢遞送故人欲贈無餘說劬書且敬身

次樹村趙嶷望

世煥

贈一行韻

東坡云予謫惠州時蘇州學佛者卓契順度
嶺繭足而至曰昔蔡明遠鄱陽一校耳顏魯
公絕糧江淮間明遠載米以周之魯公遺以
尺書天下至今知有明遠也契順萬里之勤
亦可以得數字乎余欣然許之獨愧字重畫
好不及顏魯故為書歸去來辭以遺之庶幾
託此文以不朽也今行師自余流竄以來歲

一來見豈所謂道德高風多在世外人者非
耶今年四月又以所得樹村韻語及數本生
薑過江來投其視蔡米則又所謂太清而不
俗者也余久廢把筆慙無以爲報略次樹村
韻以送之

契足如何繭深情識者稀行師千里至不得好書歸

靈芝洞八詠

李公端
相別暨

一歲何三秀簣簣有苦吟晦翁珍重意深感暮年心

右靈芝洞

皇王帝霸事天地鬼神情心源專靜後觀盡有餘明

右靜觀齋

本體自虛明應時還易失惟將寸膠而動靜皆於一

右涵一堂

有物先陰陽却在陰陽裏更把濂翁無要提黑腰耳

右太極亭

點也是狂者如何堯舜同心中如有累慙愧舞雩風

右浴沂壇

乾坤起始復其體自圓成舍方理更妙弄此了平生

右弄丸窩

半畝方塘上何人小作臺天雲涵活水還自武夷來

右天雲臺

潭邊有老石倒影碧波清閑吟宴坐久還與此心明

魚躍鳶飛妙由來識者稀臺名真自好活潑見天機

右澄心石
天雲臺一作

感事

書因四代貴詩以二南尊如何黃犬客惡怒不曾原

寄金壽徵 己未

死生在於前學力要試耳須將此一言歸語伯仲氏

贈送晦孫

白日明孤島滄溟遠一身臨風送爾去須愛卷中人

退憂金相公銜 命飲冰臨行委訪見謂不可

獨無一言也略綴二十字代說高懷雖不中亦

不遠也 庚申

十月遼河路征驂不可留心中應有恨非復舊神州

樹村趙嶷望令公冒雪來訪以詩謝之

二老相逢處青山帶雪奇何愁浮大白世事兩忘之

六月夜偶聞杜鵑

松影當窻靜鷓聲此夕聞聞翁何太苦衾冷到宵分

次壺谷南雲卿 龍翼韻

珍重大宗伯為 王留我行孤臣終逋慢心事要公

明 終逋慢一語
作無一語

其二

我非忘世者衰病合投閑歸歎告 聖上努力起東

山東山指
玄石

巴谷丙寅

水作青龍去人從翠壁行武夷千載事今日此分明

仙遊洞

巴谷勝於此此評恐未公幽深兼洒落還憶石塘翁

石塘在廬山北乃濂溪
故宅而晦翁所歷訪也

至空林適值僧徒供養行中士友有誦明道三

代威儀說余以為此說理會毫差則有弊故晦

翁有救弊語士友不可不知故聊作此以諷焉

空林禪釋號我輩此中行威儀伯子說須向晦翁評

贈別士昂閔泰
重同甫樂甫李賀
朝

正當初夏日花草滿山香好友來還去何曾手脚忙

時樂甫追到當
浮大白而不果

示金仲和使君戊辰

吾儕相聚幾於笑會書辭來往亦少義理實

事此朱先生所以於南嶽唱酬致警於同遊

而至有約誓也謹步來韻以俟郢斤

仲尼甚矣衰不復周公夢猶將行與藏好與顏淵共

持事闕迫欲以此仰諷於木
食洞座下而有所不敢也

其二

晦翁何恢廓八九吞雲夢曾從戰兢生此道誰公共

朱先生嘗言真正大英雄皆從
戰兢做出蓋戒人多有閑氣也

尤菴先生集卷二

詩

九

奉呈老峰

閔公鼎重號

○時先生遭膝下慘憾

此獨何罪辜生死旬日間再拜謝玄夫收悲以歡欣
栗谷愠于東人嘗過蕭寺題僧軸曰欲使心無
累那堪面目憎招提樹草裏寂寞對山僧余謂
栗谷所見愠只東人而已今余舉世皆仇之豈
但以斥尹之故而已是必余言行不慎見惡於
心公之世也不然何無一人之見恕耶是真自
反猛省處也然粹變舊習以從時好亦是難事
聊次原韻以示子孫云

豈欲人相惡胡然見累憎淵明雖止酒耻作白蓮僧

其二

云胡今日事事事却生憎願棄人間事長從粥飯僧

濟州海上作己巳

孔聖思浮海涪翁灑瀕時千秋相感意今日有誰知

五月四日

此日知何日孤衷上帝臨侵晨痛哭後抱膝更長吟

耽羅謫所

弟兄孫子姪天外喜同堂白首何丘首他鄉似故鄉

七言絕句

贈僧性淨

乙亥

人世百年樂事稀此菴重到淚雲扉六根隨處渾爲
惱謾被緇衣笑布衣

吟呈松溪道兄明甫座下 丁丑

數日靜坐溪山之間不堪思兄沉吟之間自然成句詩豈云乎哉既形於言不敢有隱聊以錄呈乞賜批評且辱和送如何

懷川人作道川人相望松溪不可親洞壑風雲雖異趣喚醒心處意思均

其二

道川流入赤江東德裕溪源千里逢丹心共逐朝宗去還恨陰山隔不通

其三

淨對丹崖到日昏寒聲浙瀝繞孤村無端忽憶松溪

友恭敬溫文靜裏敦

自京還鄉時咏懷

慈親鶴髮稽山外 聖主龍顏漢水濱忠孝古今無二致此身為子復為臣

挽安定朴叅奉 事三

孝誼通神人敢問一生恭服趙先生欲識古人同調者請君看取董生行

贈別洪都事 柱世

十載重逢江上樓東頭南畔付長流尊前不盡心中事醉裏分携各有愁

雞嶽福林洞贈金仲文 益熙 癸巳

空山木落古潭深幽思還仍送別心多謝晚風知我
意不催西日下疎林

黃山舟中次俞武仲韻

病宜舟臥健宜山高下休論物我間若於上面終能
透行止分爭摠亦閑

次市南韻贈美村赴 召之行兼呈春炭二兄

戊戌

雲山離恨卽今朝擬向山中獨緯蕭丹心正逐朝宗
水未覺南山北闕遙

途中吟

西風和雨透征衫老馬稚童困不堪旅館今宵應有

夢好乘魚艇泛清潭

前池荷

玉井根株望已灰前塘剩喜兩三開徘徊正引濂翁
興莫遣西風蕩漾來

贈同春赴 召之行 辛丑

馬穩車平旆不飄雪知行意欲全消前路休言人手
額野梅官柳亦爭邀

空林寺中咏懷

洞裏烟霞鎖欲開夜深星斗暫徘徊想得潭溪秋月
白此生何日溯洄來

次權思誠寄示韻

心多不翅百車餘日夕如麻未易虛雲谷深深猶謝
客看書不厭靜中居

自楓嶽還至狼川吟 壬寅

遊筇共逐海雲飛蓬島清風滿袖歸今朝又泛南湖
水一任蒼烟染客衣

憶疇孫

薄暮幽吟坐小堆池荷時遣暗香來想應城市喧嗽
裏爾亦思歸恨不裁

其二

隨柳傍花莫我從嶺雲江水阻音容書中不盡心中
事一紙才封復一封

永同玉溪瀑布作

濯髮飛泉落未收雪莖漂向海東流蓬萊仙子如相
見應笑人間有白頭

洪思道挽

溪門舊伴日蕭條那忍君今又響銷人世啾喧無樂
處英魂且莫楚詞招

岬寺

礪樹陰陰黃鳥鳴時看佛宇煥丹青 行宮咫尺傳
消息惹得孤臣無限情

自岬寺赴溫泉 行朝到錦江寄疇孫

歷盡巉巖路轉開山前亂樹烏喙喙行行漸喜 行

宮近猶見江鷗向我來

戲贈畫僧曇彥

僧乞吾詩吾乞畫僧言君貌畫難能顰松怒石吾猶
畫那得摸君面目憎

次金西原錡送梨韻

古墨閑磨老樹傍草玄思渴未聞香誰教病肺居然
潤閨苑瓊津嚼未嘗

贈趙復亨

根

送君東去復西歸喜闕兼尋老子衣朝市古來多誤
脚須將故紙警危微

去年春嶺南儒生一千四百餘人請正陰奪國

統之罪而以汝祖爲誅首今又聞嶺人黃孺移
家入漢師與諸貴連姻作隊前月上疏攻斥八
九人奸邪之狀而又以汝祖爲之冠且云圖占
相位雖非好題目顧以鄙陋每爲諸人之先則
旣甚媿赧而榮耀亦多矣聊取朴思庵絕句改
易數字以示疇令和仍又寄仲初永令持叔彝
仲重舉曼倩諸友求和

丁未

蓮榜叨爲第一人鳳池希作上台臣年年又復魁姦
黨胡乃光華萃此身

原詩

龍榜曾叅第一人鳳池終忝上台臣如何又見魁

姦黨自愧光華萃此身晦翁詩老去光華姦黨籍向來羞辱侍臣冠思卷意

蓋本此矣

次寄李幼能端相

飄然簪佩問何來遼薊腥雲爵未開吾人底事吞聲哭先主陵前去復廻

又次

台星偏照好賢來棣萼聯枝向日開如何天漢乘槎客不遣還從月氏廻

其二

乾淳元自定哀來晦父還仍任繼開雲谷滄洲風月好一辭丹闕不曾廻

次疇孫韻

雪後孤村太窳寥山篁野草共蕭條安得葡萄城上飲玉門關外騁華聊

追次李咸卿一相韻戊申

不為煩言阻往還時陪冠冕侍龍顏英魂此日招何處只在寧陵石獸間

送李弼卿端相赴北幕

綠駢雄鳴去莫攀北風撩亂鬼門關書生自有封侯志須上燕然勒石還

次忠清都事趙嶷望韻

洛陽山石削如屏山下清溪日夕鳴草堂無事門常

掩時有巡田亞使行

林尚書

堦

亭上疇孫次壁上韻為步其韻

四月江南不見花一鞭來訪故人家
怱悵九原難更作滿園松檜鎖煙霞

玉溪瀑布次疇孫韻

雨餘遙看勢尤奇嫩綠殘紅杜宇時
瑤琴彈盡岷洋裏只恨難逢古子期

化仁途中

野色青青麥漸長清和時節近端陽
行行隨處綠初嫩最愛澗邊幽草香

次申青山良器寄菊韻

一朵清香誰得知殷勤陶令寄來時
淫風急雨今如許那保行藏傲雪姿

贈柳景明

燁然

欲炊新黍留佳客山水留行不待吾
臨別寄言中谷老此間高躅可無乎

書贈大將柳赫然

虐雪憐風暗玉關將軍出獵漢南山
書生病臥東城外不識驃驍在世間

與沈諫議

依

遊赤裳山城

星斗參差近古樓陣雲吞壁鬼應愁
時平不管關防峻任却中權雪滿頭

挽洪公州 錫武

當時 聖考急循良世亂仍咨技藝長此日英魂應亦泣九疑山色共蒼茫

寄石湖 尹公文舉號 兄弟

幾年不踏尼塘路夢入蒼松老栗間擬趁明春一番雨酒幢橋下弄潺湲 酒湯之名不雅故改以酒幢

其二

欲託門牆久不堪君家學海望潭潭為問甌山勃窣老籃輿幾度到僧庵

閔器之 檉 沙塢別墅八景

驪興閔器之老兄辭 寢郎之 命老於其

先壠之旁嘗以其所居之堂八景之題示余

曰願有詠也遂各綴廿八字以歸之因喟然

曰古人云恨不少年為客一宿其間此正先

獲語也顧余新葬家兄於數喚之地繼自今

將頻數往來宿債當一償之矣茲八詠者豈

器之所能專乎時 崇禎橫艾困敦孟冬日

恩津宋時烈書

良宵清夢枕邊回起望山雲一帶迴要為閑人供晚

對故應今夜宿巖隈 右雞嶽宿雲

老菴高掛白雲邊法侶鳴鍾小佛前未信休糧如瘦

鶴遙看朝暮起炊烟 右海菴炊烟

雞山高下自西馳雲木叅天共蔽虧海底金輪催曉
動一峰高挿最先知

右沙峴朝暎

雞龍山外一孤村寂歷桑麻對我門乍見夕陽明遠
嶠憑軒還惜近黃昏

右基村夕暉

陶然窻下得吾真長作羲皇以上人頂午清風吹不
盡桃笙竹几淨無塵

右北窻清風

蒼茫廣野向南開夕靄朝暉揔可哉最是排窻深夜
後纖雲四卷月徘徊

右南郊明月

漁燈點點映清渠水面無風可數魚餘輝且莫灘頭
照正是沙禽睡熟初

右前溪漁火

睡罷幽軒徒倚頻柴門終日靜無人山花一曲斜陽

外知是村童去採薪

右後嶺樵歌

閔判書維重夫人挽癸丑

阿爹同時作古人呱兒盈室鬼應顰啼鵲無血可續
淚深谷墳前夜為隣

寄朴兄時甫惟棟

吾儂養疾巴溪下老友耕雲石嶠巔乘化歸真俱未
遠不知誰是着鞭先

次洪元九韻

溪堂晨起氣淒淒林靄山嵐四望迷悠然靜對琴書
坐盡日幽禽向我啼

道東書院次趙復亨韻

斤餘山木又牛羊世道如今轉可傷
敬拜先生祠廟下臨風剩嗅百梅香

挽尹生承任

築室于塲度一生孤行古義世爭驚
如今仍臥溪邊土至死初心水月明

從高祖宋清風府君卜築于懷東注山之墓下
僉樞君承其重館宇池臺不墜其舊蓋以風采
自尚焉萬曆倭亂梧陰尹相公以體察使南
下視師館於僉知君甚賜顏色因題二絕詩其
後見吾堂叔父典籤公爲說僉知君之賢因誦
其所作詩典籤公嘗爲余誦之余以言于僉知

君之孫興吉則將以刻揭楣間而因請余記其
事而並和原韻云清風府君諱世勁僉知君黃
生其名與余先人於諸宗中甚相親愛焉梧陰
諱斗壽字士仰典籤公熙祚其諱也

當年邦運自瀕池相國勲名一代奇
偶爾題詩山下宅定應留待沼平時

其二

節制威名鎮海山五牙當日此柴關
中興上相爲知己老丈風流莫可攀

追次申侍直

碩亨韻

莫恠彭殤各自年蹄涔朝盡海無邊
南華第二篇中

事會向君前要細傳

其二

人世光陰忽換年遺篇寂寞在床邊誰何乞與青雲士免使幽魂恨不傳

巴谷有怡愉李老題各有感而作

摩挲蒼蘚舊題昏緬憶怡愉德義尊人世至今多薄俗九原難作更傷魂

次洪元九韻

龍驤官冗擁文章少日平看白玉堂祇今歸臥茅簷下黔嶽雲煙接華陽

題道峰書院

蒼崖削立洞門開澗水潺湲幾曲迴堯舜君民當世志廟前空有後人來

贈洪生胃炳兄弟

短短茅簷淺水濱山翁誰謂不全貧午窗睡起苔階步小雨時來長綠筠

次疇孫韻 乙卯

山翁歸思不堪催屋下清溪夢裏迴遙想茅簷生暖氣黃梅空自一枝開

次趙執義巖望韻

天香猶在舊珍貂鼎水何年劍影遙未死孤臣餘白首數行危涕洒今朝

寄黃周卿世楨 珎島謫所

我北關時爾向南
瘴蒸瘴兩難堪
莫把光陰愁裏
過須令學海更潭潭

寄邵姪及諸孫

先生甥姪李德老字子邵

門前溝水去遙遙
千里鄉書近寂寥
緬想荷池池上
柳迎風帶雨嫩生條

次贈南生有昌

南生自淳昌
徒步千餘里
從余於德源謫所
今以白雲之望
不堪孺慕之切
告別而行聊
次其韻以送之

世上詆訶君莫歎
百千蚊蚋儘悠悠
惟應夜讀朝耕

日桐栢山前二水流

次疇孫相宅韻

耐可隨宜了此生
無心去住迭昏明
笑殺陳公多事
在謾將長舌話舟平

次贈羅子長

世器

白首孤臣負大何
風饕雪虐兩堪嗟
逢君試問江南
事柳綠梅殘草色多

贈鄭進士麟瑞

祥龍

北俗顛愚似嶺南
一隅關塞相公三
從今不獨崖州
大倒屣迎君笑不堪

陳了翁云嶺南民俗見請客不問尊卑皆稱相公今麟瑞與李汝謙洎余先後投北故云

金生子衡華自去年仲冬從海西來隨我於南鄉因自南鄉徒步度嶺相守於宜春謫所朝夕對床講讀朱書今者不勝庭闈之戀忽然告辭書此以贈之

千里相隨不暫違可堪離思此依依臨分更有丁寧語四月清和杖策歸

京外後生先後辭去今日李生萬春又歸病臥聊吟

幾送歸人尋去路溪邊春草喚愁生賴有兒孫長閉戶讀書聲裏四難并

次誠弟先妣諱日韻

幾歲幽吟蓼蓼篇此年流遞近燕然荒村忽值喪餘日欲薦時羞未有緣

次家弟寒食日韻

世間榮辱不須驚大丈夫心白日明萬里春城寒食至尊前豪氣塞雲橫

次金延之前日所贈通字韻

關西嶺外渺難通千里書來喜不窮滿紙縱橫無異語消詳都是紫陽翁前書俯賜商量皆是語類大全語故落句及之蓋吾儕今日講論捨此則無可開口者如是往復不猶愈於但相嗟歎乎

次李同甫五月四日韻乙卯

聖主何年棄土中小臣今作白頭翁年年五月逢初

四痛哭空山訴上穹

八月十四夜示疇孫令和

菊籬蘋浦起芳菲
嫋嫋秋風吹客衣
明月一輪臨矮屋
悄然清坐不思歸

刺日人復告變於榻前仍自爲加律之啓遷
此南荒而旋若爲見憐者然請去柙棘聞者以爲肺肝可見故爲賦一絕

王公胡念伯仁爲經史朝昏舒卷之吾生卽此自爲樂豈必身邊脫棘籬

送密谷歸人次其韻

北謫南遷春復秋
楚雲湘水共悠悠
嗟君蠶足來千

里却咏南陔去不留

聞文谷謫去吟呈

一柱亭亭獨立時
狂流怒觸未曾欹
休言東魯斯文喪
贏得千秋永賴之

元君次山送菊數叢有玩此可消愁之句故戲答之

涪翁捨達危舟日
鐵漢山靈冉冉秋
素位而行皆自得
曾聞君子本無愁

洪胄炳胄亨南來訪余丹溪翁以詩送之有清光帶去催征駢之句仍步其韻以贈二生之歸君取仙遊溪上月不裝漁艇載雙駢溪月入門憎面

目却隨征鞅渡江歸

又次蘭韻

海雲奇色故漫漫送子歸歟歲序闌為報丹溪亭裏
主從今且莫恃幽蘭

聞洪叔範

得再

諸人被謫有感而作

丙辰

風雨蕭蕭夜向深此時何事最關心芝蘭蕙茝終萎
折却怕春畦勾吻侵

和朴時甫

江漢奔流海不盈蒼蒼天聽本無聲中宵政得心源
靜碧落無雲水月明

其二

活溪居士雙眸碧少日詞場擅姓名老去收身巖壑
裏却於經史有工程

示疇孫

爾歸鄉土我仍留兩地相望一種愁想得書窻岑寂
裏卷中真趣可消憂

其二

無能燎却八區蚊世事紛紛不足聞惟有中天明月
夜幾人相憶夢歸雲

其三

大抵人生皆是客客中為客過三春荒村牢落無人
到屋後高山是主人

次吳順之憎卯韻

陰陽自是相來往納甲何須用意深
老父端居叢竹裏微吟天際是輕陰

次疇孫咏牧丹韻

經年獨坐矮庵中惟有名花對我紅
空谷佳人蘇定惠可憐無事不相同

次疇孫感懷韻

興替休言係碧寥唐風不奈遠椒聊
春花開謝都閑事只有葵心向聖朝

次洪元九贈僧韻

僧來不說故園花爲說幽人着水涯
滿腹經綸輸袖

手好將身世付烟霞

孝廟諱日感吟

重瞳去上白雲鄉己亥於今二九霜
白髮孤臣遙奉諱楚江蘭杜共悲傷

其二

精一真源不可尋九疑迢遞白雲深
今晨痛哭荒城外楚竹惟應識此心

次朴徵之

奉徵

記夢寄示韻

徵之以記夢一絕見示其事可異亦可笑也
聊次其韻以博一粲

月嶽丹衷白日明蓬山荆棘斷逢迎如何共入幽人

夢錦水城邊喜氣生

其二

嶺海孤臣白髮明
遯溪幽夢夜相迎
屋樑殘月晨仍在
遠寄新詩問死生

漫吟

海曲陰陰晝不明
深林魍魅自縱橫
庭前幸有千枝樹
臥聽黃鸝一兩聲

次疇孫咏懷韻

共守荆園久不歸
如伊誠孝古來稀
憐渠婦子空凝佇
日暮山村不掩扉

觀宋史有感

舊構蕭條新構良
靈芝行色此時忙
閑看卷上興亡事
一榻熏風夏日長

次疇孫流頭日韻

孤臣頭上尚粘頭
敢怨窮荒白首囚
聖祖貽謀垂萬祀
神孫長祝守天球

次金相國起之所寄韻

聖祖賓天十八春
艱關嶺海兩三臣
高名會見留千載
只愧疎慵亦濫巾

其二

當時晉接每 經筵仰見江河決
沛然忍說 灤朝
同泣血再封心法二三篇
孝宗大王晚喜心經屢御

陵也 顯宗以為平日所愛也 封納及之故亦敢云爾

其二

大澤龍亡積歲行士林斑剥失章程知君好守先生宅籬菊庭松摠舊情

其四

恭承 嚴命觸炎行行盡東南數十程瀚海金剛都領略樹蛇溪鱗不關情

次草廬謫中韻

霜臺峻議附生行死草陰崖亦向榮知君感激 君恩重莫作湘流楚屈平

其二

險路行如平路行心平平一視枯榮何如盧子平生事八萬毛竅散不平

其三

迢遞長途信馬行休思深谷紫芝榮惟應鐵瓮城邊水夜月清波澹澹平

其四

建安陵替到黃初經略三川作帝居當日草廬何壯矣如今可笑困刑餘

其五

二氏家兒同一初暮年長恨不同居只今世事多翻覆惟有陽春曲自餘

其六

雞嶽靈源賦遂初如何今日九夷居從看壁立光吾

道鐵瓮山高萬丈餘朱子於黨禍時曰今日為遼禍

壁立萬仞豈不益為吾道之光

次曾一燕子日長宜讀書韻

長夏抽籤究邃初燕兒來笑老耽書問余三萬六千

日料得君今幾日餘

棘中雨後吟示孫兒

聞說賢人處困歡祖孫相對不皺顏籬外前溪夜來

雨似聽巴谷舊潺湲

聞狗洞請於 經筵勿看朱子註適見善長詩

有考亭遺緒更無傳之句故聊次其韻

高明廣大煥巍然晦父文章浩浩天楚楚蟬蛭休撼

樹淵源自是仲尼傳

其二

舊京城闕久蕭然老栢誰吟歲暮天當日此心人不

識祇今留與卷中傳朱子暮年病卧樓下數日老矣

相行其意可想

李泰卿東與申伯久遠來相訪意甚勤厚相留

數日恐有物色者解攜而歸臨行泰卿留詩二

首聊步其韻

謫仙何事哭燕臺駿骨空招樂毅來可惜齊牛方五

采邯鄲城外浪遲徊

其二

南天寥落鴈愁長上黨歸程正杳茫風簷古道吾猶樂莫作江南宋玉傷

次贈宋季興

山中幾歲閉松扉晦父遺書日月輝今日雪霜荆柵裏逢君猶說舊深衣

次贈元進士次山

元進士來重自宜春時相從甚款今又遵海而南崎嶇千餘里來訪於囚山此當於古人中求也其臨別也投以詩什聊步其韻愚以

氣質之病顛沛無不至醫治百方而終不能變化竊自悼也嘗讀伊川謝王佺期惠藥以一誠字爲壽良之丹而其謫涪州整襟於驚濤以心存誠敬卒得此氣力以成七分之大訓劉元城周流遠惡地東西千萬里猶不一日病自說其都由於誠此余願學而未能者今來重是兼通嘗草之術者故以是爲說焉未知來重果以爲如何也

古疾兼來說着愁欲求靈藥到炎洲逢君試話探囊事謂服程丹始可瘳

丙辰長至書示諸孫

去年冬至讀朱書今年冬至未了渠箇中三字屏山
戒默坐沉思味有餘

次李監司仲羽韻

玄冥吹送落枝風蒼翠千林一夜空何事岑城焚斷
樹能令霜雪愧無功

聞同春先生追削官職適道源贈詩聊次其韻

磁芭讒鋒逮九原誰人披腹歷重閣遙憐夏遠諸兄
弟枝血祠前哭至寃

竊見原韻終有自恕之意故聊下一轉語復次

其韻

餘干心迹竟誰原唯有愚丞叫帝閭男兒義正無餘

事遠謫韶州定不寃

愚而官寺○近有一種議論以爲成聽於黨事
丞故云愚丞○無所與朴和叔以爲當日事當以趙
龍門爲正蓋龍門故云閣訟寃而李承旨世華則固
歸以至於葬畢而歸故云閣訟寃而李承旨世華則固
卓卓不可及只如沈龍卿則其言遜而直只明其私
義之不妄而竟被謫責亦義正而心安矣道源於同
春其思義之隆非龍卿之於我暫時講論之比而已
又非李公之於同春泛然相知之雅而巳則利害禍
福有難計較者矣然切固失於前而當爲一事可悔也
無望於他日也然切固失於前而當爲一事可悔也

次李同甫記夢詩

并序

自余禍釁之初發二弟誠甫秀甫相繼棄官
相守於路傍以待余之遷謫矣乙卯正月遂
從余北行秀甫追至首尾七箇月而誠甫以
事南還秀甫則仍留矣其閏月以崔柳之獄

余亦因以南徙遵海而行秀甫又艱關扶護
喫耐萬狀又監押官承當路意侵困無比然
父子兄弟祖孫隨處談笑頓忘羈紲之愁一
日見迫尤甚冒潦渡水挈舟之索中流斷絕
秀甫與一孫幾入海底幸賴村人之盡力還
登北岸是日一行中分隔水相望翌日始復
相聚沽酒相慰行到千餘里則誠甫又自湖
西奔赴來迎而在家孫兒及族屬知舊先後
要於路上矣始同甫聞余之南意謂憂過東
郊與仲和要於揚州抱川路及聞余徑行憮
然彷徨之際夢余一行則秀甫晦孫與一喪

人相隨云而記作序與詩因便寄來其喪人
卽文元先生曾孫金萬壽及余中表弟武人
朴千英也不知同甫所夢是何人也大抵真
境不爽真所謂精神相感無遠不到者因和
其韻以示諸兒之隨來者云

叔世何人素位行平生仰止是朱程樵夫答問懸鶉
笑認取當年一揆情樵夫答問凡三見於全書而皆
不同○慶元黨禍時朱先生曰

其二

路二千餘觸熱行海鷗山鳥慰嚴程如何二友叅同
會夢裏還爲嬾孺情朱先生與門人送蔡西山淨安
無嗟勞語只答問叅同契同甫

詩序與仲和要余于中路夢中相見哭泣云云故未句云

其三

鴿原相逐塞垣行復與艱關嶺海程珍重故人成昨
夢殷勤吟送曲江情元微之贈樂天詩夢君兄弟曲江頭說者曰千里神交若合符

契朋友之道其不至歟

次李同甫所示文谷相公韻丁巳

常思芝洞靜村墟俛仰那堪夜壑虛幸有佳兒尋舊
學沈潛太極訂頑書

其二

草堂瀟灑偈郊墟妙處無言自靜虛今日此心尋不
得忍看殘籠舊圖書

二月廿四日雨後吟

無端一雨變千林遠客曾無楚澤吟今日偶逢風日
好卷中閑對古人心

次谷雲籠水亭韻

夫君逃世在林巒名姓將無天地間客至頗知主人
意不談時事對青山

次道村李季周韻

休言聖道塞荆榛自愧平生未檢身多謝洛閩留妙
訣到幾微處極精神

次韻謝金能之壽能見贈

中夜悲歌泣 孝宗天顏那復見雍雍孤臣未死終

無補長恨難扳鼎水龍

其二

中夜悲歌泣 孝宗當時大老在城東蒲輪束帛勤
初服同德還須慎獨公

其三

中夜悲歌泣 孝宗長思前席講中庸唐虞精一傳
心妙不落刑名不落空

其四

中夜悲歌泣 孝宗仍思石室若堂封當時籌策渾
如夢勲業空看鏡裡容

其五

中夜悲歌泣 孝宗祇今文谷罄危衷 長秋殿閣
終無恙誰識亭亭一柱功

其六

中夜悲歌泣 孝宗愚臣千一慶相逢丁寧 手札
謨猷密猶見華牋寶墨濃

其七

猶見華牋寶墨濃隨身踰嶺幾千重蒼梧雲裏永安
夜中夜悲歌泣 孝宗

贈申聖時 啓澄 趙士輝

滄溟無極嶺雲堆多謝殷勤千里來別去君須追聖
路紫陽雲谷正蒿萊

次遜愚洪君叙錫韻

魚肉登房合有刃遜愚魂魄不須銷此身自笑癡頑甚却把餘生等夜朝

示疇孫兼奉聖彌求和

剖破藩籬卽大方此心無界亦無疆如今莫作還家夢隨處并州作故鄉

次疇孫夜坐韻

屋後晴禽哢晚蟬新涼全到竹床邊兒孫莫憶空山裏山裏詩書在眼前

次疇孫咏菊韻

鷓鴣聲中草不芳獨憐佳菊媚秋陽縱然置在春花

裏猶是清香擅衆香原韻有問渠何事遲如許為是語

其二

落不落英都是芳半山多事笑歐陽楚臣餐後沉湘

水魚腹千秋亦自香介甫詩殘菊飄零滿地金公戲

仔細看介甫聞之笑曰歐九豈不見楚辭夕餐秋菊之落英乎後人評之曰歐王於草木猶未盡識不知有落者有不落者耶

詠鴨脚樹

鴨脚飄零滿地金庭邊無復得風吟夜來還愛扶疎影三四徘徊清意深

次朴和叔所題四書疑義卷上韻

世事休論似燎原長慙昧却正淵源訂叅疑義非輕
視只恐南州怒有言

其二

前賢微意苦難原硬說徒然失本源難疑非是索癥
事只有公私諒可言

其三

年老身殘近九原惟將經理究真源紛紛一任人間
鬧靜坐清陰笑不言

其四

吾生晚且隔中原恨未摳衣到婺源卷上只瞻星斗
像欲聞真訣寂無言

晦翁畫像有
七星故云

詠庭畔菊

菊有初黃終白者自多猶是傲霜姿何如始卒還如
一一任西風滿意吹

丁巳抄秋示諸孫

不妨同作蠹魚身三見黃花笑逐臣雨後小窻晴旭
射超然相對卷中人

又詠菊

春寒百卉猶蕭索况是蒼茫歲暮時窻外一叢凌小
雪可憐誰與共心期

讀啓蒙

長憶當年學易時妄將爻象溯文羲如今細玩雲臺

記誰謂登高不自卑

仲冬詠菊示孫魯及金周諸君

戴雪爭風不作難今朝寥寂太無端雖然箇裏香猶在顏色凋殘詎足嘆

朱先生論韓公原性讀而賦之

韓公語性分三品不是韓公見未精當日偶然忘氣

字不然功不讓周程周子曰性者剛柔善惡中焉而

程子曰論性不論氣不備是先言氣質而後言本性也也皆所以發前聖之所未發也朱子曰退之說三品說得儘好只不合不說破氣質之性又曰原性一篇本好但欠箇氣字

漫吟

歲月崢嶸七十餘人間榮辱碧雲虛如何藹藹王多

士千百為羣謾上書

其二

短檠明滅照殘編千古心源箇裏傳最是宣尼操捨

語叮嚀真似耳提然

至月廿日吟

淹速悠悠付碧寥明來為晝暗為宵可憐賈傅心還躁戚戚占書更問鴉

冬至日憶朗州風玉亭文谷蒲居時亭名清座

忽覺無中有象函玉久何處奏英威願託歸雲呈碩果不知能得到靈巖

又自警求訂

絕柔要似閉峭函復善誰占輔頰咸看取鄒輿戰兢
事到收功處儘巖巖朱先生論孟子說大人則藐之語曰此一種英雄後從戰兢臨

次贈李泰卿兼謝任大仲堅

靜裏天真信可還安身日月往來間憑君聽說黃溪
事利義談來倒象山康節詩門外似深山天真信可還象山分利義朱門人至有

其二

縣簿何曾直一金而無高士不平心惟應水綠山明
處會向禽魚託好襟高士用孫寶事亦見朱子同安時高士軒記

次文谷記夢韻

夢裏還成昔日遊歡情不覺九原幽覺來標月催詩
句傳到蓬山老淚流

聞老峰有封事

天理何曾母可臣此時猶幸有仁人囊封裏面膚功
在可笑夷吾誓命頻

其二

漠漠頑雲四到深山河大地鬱沉沉天開嶽裂轟雷
斧白日爭看鬼失林

村塢何人所題

雖有離憂其志樂竒哉此事見于今可憐無限人間
母湯有區區老舐心

右屬李泰卿

淨安相送蔡西山橋上爐邊笑語閑只把叅同酬答
去當時氣象更誰攀

右屬蔡上舍

次金龍宮慎厚見寄韻

碧天雲盡鴈初迴秋老江南草木衰珍重一書千里
至却令開豁楚臣懷

其二

心到閑時辛亦甘休憐遷北復移南高軒聽說仙桃
熟鶴眼將看海變三

次疇晦九日韻

佳節翻驚剝五陽更無餘興引壺觴可是輿廬昭象
戒莫令龍戰到玄黃

哭鄭善叔

慶欽

戊午

橐籥嗟嗟運氣衰生吾慶叔未培之人言箱篋遺編
在知罪千秋事業奇

培一本作扶

戲吟示疇孫

河東獅吼聲殊惡江左犢車走可笑安得龍眠畫二
件掛之街上令人眺

自省

虞夏殷周尚用兵陰陽勝負亦分明如何方寸中間
事却使人心未乞盟

次文谷韻

吾事誠明康節句箇中包括厚高悠千年聖道今堙

沒只有名言卷上留

感吟

一千里外名蠻土四五年來號太平歌管啁轟明月
夜舊臣還咏永貞行

土亭李先生之後孫必晉來訪於蓬海上求余

贈甚懇終不敢副略因巖望見意

出人間世老先生玉樹今逢此棘城朱禮數章相對

說却慙當日打乖名蓋聞先輩言土亭先生言行頗

常也故康節詩曰安樂窩中子打乖明道先生反其
意和之曰打乖非是要安身道大方能混世塵此謂
打去異常之事也若云破崖岸也土亭先時亦雜作
於農桑以混世塵豈所謂道大者耶願樹谷明教之

咏懷

憶在山中猶有事風來月出好逢迎如今閉戶長深
坐風月亦無歡愛情

己未人日吟

人日初暎天氣勁人言其驗下民殃願言 聖上回
災沴甘雨和風遍四方

韓信

漂母樵夫無不報投金寒瀨墓傾醪全齊大楚誰家
物不信淮陰背漢高

項羽

垓下楚歌四面同千金萬戶欺重瞳平生仁愛今方
信猶德烏江呂馬童

次井邑宰李星齡附送鐵如意贈金錡韻
意非如鐵鐵如意遠寄衰翁儘有情愛直還嫌微俯
首恐隨人意失先貞

岐城謫廬吟

羣山如畫海迢迢姑射仙人若可招却恐衣裾塵土
在汲泉清濯此三朝

次淳孫亡母忌日韻

憶曾攜爾壙邊臨心似初亡尚不禁十八忌逢蠻海
上精靈應識我哀深

今年適 孝廟誕生周甲而今日又第二十諱
辰也晨起痛哭情懷益不自堪疇孫咏一絕以

示因用其韻

湯文比德敢云阿千一昌期驗濁河奉 諱廿年還
一甲呼天天亦奈吾何

次疇孫賦蠅韻

世人情狀甚於蠅六一篇中恠獨憎若使當時蠅有
語不公之謗似丘陵

次疇孫韻

東西南北此孤身嶺海安知不死人死亦由天安受
耳一毫何敢妄求伸

疇孫詩有海外安能獨死人之
句其意廣天然此晦翁所論染
疾說也聊下一轉
語以益廣其意云

次崔子敬 慎韻 已未

雲谷偽魁魁逆黨門生故舊並罹殃如何千載猶尊
慕抵死誠心質上蒼

宋人初以夫子為偽學之魁後以為逆黨之魁

其二

胡紘繼祖今雖在九死何曾懼禍殃惟是一斑窺未
得白頭今日媿穹蒼

其三

罔極恩垂千億載求疵者必有天殃世道人心今若
此起看松月夜蒼蒼

文中子曰通於夫子受罔極之恩

渡海時作

庚申

聖德寬臣海島囚鯨波重渡淚雙流惟茲舊要要同
利千里山川揔帶羞

次鄭察訪

治

從孫康錫相酬之韻

鄒嶧江淮古史遷我浮滄海勝當年歸來默坐山窻
下長遣烟霞鎖洞天

與郭智叔

始徵

尹爾和

家

對校老先生遺書雪

夜偶吟

雪打窻櫺風打戶沉思萬事成今古燈前校得數編
書要識良工心獨苦

壬戌元朝有感書懷示朱靜而

宅正

及疇孫求

和

洛陽蒼壁千尋立要與書生壯志爭醉後長吟垂拱
奏不堪肝膽起崢嶸

次趙巖望韻

春日東都邵子行行到處兒童喜今來司馬大門前
閣者却云何事至

武溪洞次趙巖望韻 癸亥

碧苔巖下水縈迴白白紅紅對我開
細雨無端催去路祇應今夜夢中來

西山具濟伯 時經 草堂次疇孫韻

相攜叩馬萬人前孤竹高標斗北懸
此日西山名已好春薇欲採意幽然

其二

仁王三角後并前 昭代文章日月懸
暫入鳳城還

出郭青山隱隱水泠然

蕩春臺贈趙定而 正萬

出郭心如馬脫鞵 帝城晴日射林霏
臨流忽憶巴溪水石逕何時袖手歸

逆旅贈李使君叔弼 世翊

出郭行行五舍餘少年豪興未全除
逢君為說潭溪勝上有天鷲下有魚

白鷺洲次白洲韻

山號白雲洲白鷺山如鷺白鷺如雲
須臾雲散鷺飛去還有沙鷗為我羣

題扇贈李營將叔弼 時李公為鐵原府使
乃兼營將故稱之

寶蓋山高雲氣深遼東廟柏已難尋來瞻標招淚如雨誰識東州老將心

畏齋追步文純先生韻以贈別再用以見志

江水滔滔向北流歸裝何事更淹留憑君莫說行舟

小載得孤臣萬斛愁

華陽歸客拜稿兼謝致道兄弟子三錫羨諸賢

次前韻贈李美叔

秀彥

仍寄意文谷

天時將見火西流南北樓連歲不留悵送君憑寄語江湖廊廟一般愁

寄文谷

岸幘溫宮

賜德音鬼神應識小臣心出門怵惕揮

雙涕方寸憂虞漢水深

寫懷而已詩云乎哉

次文谷韻

甲子

何年杖履寄荒村野雪蒼茫月一痕當日床前籌策在精神都入薊城門

次朴季直

廷卿韻

乙丑之歲周一甲憶曾梧竹鳳來儀當時陋我忝聯

袂此日同吟破葉詞

山谷喪耦有西風悲破葉之句蓋索索之意

題沈漁村復官

恩旨後

丙寅

當年心與事相違眼不知人大嫁非今日 聖朝新

雨露九原無復泣沾衣

華陽山寺吟示諸君

夏夜山深猶杜鵑仰思衾薄未成眠如何明睿生知

近却困其然所以然朱先生嘗向山寺馬上思索程子其然不然數條未透至寺鷓

次谷雲居士冽泉詩韻

當日門墻小子依淵源太極講論時宋時道學皆淵源於此一篇故

云如今只有寒泉在水月相涵總可詩

送疇錫還朝

老夫非復別離時送爾那堪淚暗垂最怕佛恩何以報身心塵刹是名爲

送疇錫兼示仲淳

猗風吹雪別時飛漠漠寒雲掩日暉是日正行路誰知難蜀道愁邊征馬任駢駢憂思瞻好而吟此矣

其二

仲淳先巖自鵝翁紹述翁謀世愈工鑄積時慘矣微矣聞仲淳亦叔趙令汝吉則難

野自寬閑濱寂寞進時雖異退須同

語云君子不同其進而同其退爲義故也小人同其進而不同其退爲利故也馨叔微也其時彛文不忍矣見

趙正夏妻韓氏挽

百千瓷器一紅瓷宋太祖以此物也誰料俄然觸手

虧自是清明辭濁世弟兄夫婿不須悲

咏水仙花寄示畏齋李季周丁卯

水仙花性厭春缺翠袖寒凝冰雪魂可惜猗颯吹落盡更看溫厚靜無言康節詩可憐桃李性溫厚吹盡都無一句言○嘗咏水仙

花欲呈高案兼上文谷而旋思好詩不如無詩况其未好耶然既形於吟咏故不敢終秘以求俯和

寄龍灣尹蘇望如斗山

九連城外 孝宗詩此日蒼梧暮雨悲未死孤臣無限意遼山鴨水也應知

其二

龍灣形勝古猶今一縷紅雲底處尋試問樓頭看劍客月明遙夜幾悲吟

咏高山九曲歌寄示權致道尚夏

五百天鍾地炳靈粟翁資稟秀而清高山九曲幽深處汨滌寒流點瑟聲

挽朴季直

八旬於世太支離子已長辭我厭之可笑人情猶未忘篋中還泣舊題詩

挽洪同知

三十年斯為一世公為三世世間人悲歡閱盡無窮事歸臥青山不隔塵

柳進士濟民挽

人言柳友善為詩我謂其詩不若人今日人詩皆不見白頭空有淚沾巾

次有源韻戊辰

官名虛帶未排衙孤負清潭倒影花兩絕新詩真箇盡恍然身對赤城霞

寄示有源

方與諸少披賞武夷圖慨然身係鰈域無由
一訪晦父遺躅也汝詩適至爲步原韻

靜裏耽看大隱屏其中玉女最亭亭龍潭尺地猶相
阻百越仙山况迭青

詠柳下綠陰示有源

山間地濕多楊柳六月繁陰正可人早識閑時隨意
綠不須梅雨與爭春

詠久雨示有源

一雨連旬壁蘚生老夫欹枕聽溪聲傍人莫說懷襄
事不鑿龍門地不平

今日詖淫極盛至於朴姓以侮聖人言爲題試士
其禍不下於洪水之害矣然其源始於賊鑄而尼
尹黨助之致也然今日攻破尼尹難於龍門之鑿
矣曷勝憂嘆汝須與韓君和送也

月夜無眠懷權閔李諸友

山月清明照我襟故人何處短長吟回思溪上連床
日共溯伊閩千載心

寄退憂金相公

己巳

真遊西上復南爲去歲今年扈蹕誰仗殿還如
威化日爭言石室二孫宜

無題

淨安蕭寺靈芝日談笑相看意自如及到芹宮腰膂處泣麟餘淚謾沾裾

耽羅道中寄示畏齋玄石

己巳二月十七日行到井邑川原驛作

上為閩翁下栗翁要除弊事罄愚衷如今却向耽羅

去回望

寧陵泣

孝宗

孝廟嘗教曰明天理正人心吾責也今日與我共此

者捨卿其誰乎

朴士述之亡已有年矣每念蓬山款語為之酸

噎今行歷過其舊居則余所寫畏省堂三字宛

然在壁而其胤子重繪受汝亦出往矣不勝山

陽之感聊賦一絕

畏省堂中似續真客來題鳳暗傷神平生文谷存推

獎為問南州更有人

文谷聞士述之亡以書吊余曰南州便無人矣

萬德寺次朴生

光一韻

當年壯志鐵為衣擬把金戈向日揮

龍馭忽然天

上去泣將遺札故山歸

其二

陰濁陽清莫與俱雲龍塗豕豈同途禪窻一夢居然

罷可笑槐安作上都

春日憶先隴

漢挈山下號瀛洲山上猶看文雪留緬憶橋山花爛

熨應隨油粉薦雙丘

己巳閏三月十六日夜夢晦錫

尤菴先生集卷二

詩

四十七

去年十月嗟長逝此夜丁寧面目真爲說都忘人世
事惟於子女惱心神覺來不勝悲

次疇韻哭沃州

沃州金公謫此

人材何代盛於斯川止經綸志士悲沃島悲風吹竹
樹丹衷前後上天知

次疇孫韻

當時爭欲殺清陰世道良彝轉陸沉忽聞賢孫終水
劍可憐忠愛百年心

丁丑後李元禎之父道長等挾虜勢欲禍清陰而
不售賊雋又讒於虜執清陰以去雋又癸未誣栗
谷景燾之曾孫也至是道長之孫聃命主張竟殺

文谷噫天之何爲生此毒種淫禍大賢之家至此
祖宗亦何負於渠而殲我良人以空人國耶直欲
顛天而不可得也聊次孫兒韻書此

漫吟

真儒黜享賢臣死不怨時人只怨天生出晦翁如有
意却今逢着慶元年

憶致道

相離涉夏意何如猥說年前德不孤萬里滄溟消息
斷連床能憶舊時無

用堯夫先生意次朴受汝韻

己巳六月三日就
拿至光州仙巖驛

作

紛紛末路道非真一云歧多路惟有閩翁繼聖神魚
躍鳶飛揮發後莫言千載更無人

尤菴先生文集卷二

